

سنة لى در سعادت ايچون مجديه  
بكرى غروش حسابيله التمش  
غروشدر

طشمره ايچون پوسته اجرتى اوله رق  
اون بش غروش ضم اولنور

نسخه سى ٤٠ پاره در

# قانون اساسى

آبونه اولقى ايستينلر دائره عدليه ده  
اداره مخصوصه سنه مراجعت  
ايتلدر

اعلاناتك بهرندن بر مجديه اخذ  
ايديلور

نسخه سى ٤٠ پاره در

هفته ده ايكي دفعه جمعه ايرتسى و چهارشنبه كونلى نشر اولنور . محتوياتى امور عدليه متعلقدر

## تجربيات

وظيفة مودوعه سنى حسن ايفاده مشاهد اولان  
سعى وغيرته مبنى در سعادت برنجى محكمه تجارت  
ضبط كته سندن رفعتلو نعمت بكة رتبه ثالثه توجيه  
بيورلشدر .

## نشان

اسكدار بدایت محكمه سى مستنطق اعضا سندن  
عزتلو سامى بكة اوچنجى رتبه دن نشان على عثمانى  
آيدن ولايتى مركز بدایت محكمه سى جزا دائره سى  
رئيسى ايكن بوكره ارضروم ولايتى مركز بدایت  
محكمه سى حقوق دائره سى رياسته ترفيع بيورلش  
اولان رفعتلو على علوى افندى يه در دنجى رتبه دن مجيدى  
نشان ذيشانى احسان بيورلشدر .

## تعيين و تحويل

قواله قضاسى بدایت محكمه سى اعضا غنه اينوز  
قضاسى بدایت محكمه سى اعضاى سابقه سندن صادق  
افندى تعيين اولنلشدر .

## تبليغات

٦٣٨ نومرولى نسخه ده مندرج پوليس

نظامنامه سنك مابعدى :

٩٦ ماده بر جرمك فاعلى حين وقعه ده  
دردست اولنه مدنيى تقديرده جرمك وقوع بولدينى  
محلک پوليس قوميسرلى طرفندن مظلونك اوصاف  
واشکالى ايله دردستى خصوصى بولنه بيله چكى مراکزه  
اشعار ايديله چكى کي ديگر جهندن دخی صورت

مخصوصه ده ترتيب اولنه جق مأمورلر معرفتيله تحرياته  
ابتدار اولنه جقدر .

٩٧ ماده جنحه وجنايت جرملرنده در سعادتده  
ضبطيه ناظرى ومتصرفلر ايله پوليس مديرى و ولايات  
شاهانه ده والى ايله پوليس مديرى ومتصرف وقائم مقاملر  
طرفندن ويريله جك اوامر و جرائم مشهوره وسائر ده  
مدعى عمومى ايله مستنطقك تحريراً وقوع بوله جق  
طلبى اوزرينه پوليس قوميسرلى جرائم مذكوره  
مظلونلرينك مسكن واقامتگاهلرينه اصول وقواعد  
موضوعه سى دائره سنده دخول ايله جرمك دلائل  
و آثارينى الده ايتك ايچون اجراى تحرياته ودعوت  
واستمداد كى فوق العاده لى تضمن ايديه جك  
احوالده دخی بوحق استعماله صلاحيتدار درلر .

٩٨ ماده ضابطه عدليه وظائفى ايفائيديه جك  
پوليسلر محافظه حياتلرى بعض مداوات عاجليه  
متوقف اولان مجروحينك محتاج اولدقلى تداوى نى  
اجراى تحقيقات وسيله سى ايله تأخير ايتيه جكلردر .

٩٩ ماده شكايتمانهك وجودى ايله تعقيبى  
ايجاب ايدن وجزا قانوننامه هايوننك ايكي يوز وايكى  
يوز برنجى ماده لرى علاوه سيله ايكي يوز اون در دنجى  
ماده سنده تصريح ايديلان احوال دن طولانى علاقه دار  
طرفندن با استدعائيه شكايه وقوع بولمديقه پوليس  
مأمورلى طرفندن مداخله ايديله جكلدر .

شواحوال علامت فارقه نظامنامه سى ايله ضابطه  
صديه نظامنامه سنك قرق يدنجى ماده سى واخترع  
برائى قانوننك قرق سكرنجى ماده سى احكامى  
حقنده ده جاريدر .

١٠٠ ماده پوليس قوميسر ومأمورلى مواد  
سابقه ده توضيح ايديلان معاملاته متفرع خصوصاتى  
دخی اصول محاکات جزائيه قانوننك مواد مخصوصه سنه  
توفيقاً ايفا ايديه جكلردر .

١٠١ ماده پوليس قوميسرلرينك غيبوبنده  
ضابطه عدليه وظيفه سى قوميسر معاونى و آنك ده  
غيابنده پوليس مأمورلرينك اهليت وقدميليسى طرفندن  
وكالة ايفا اولنور .

## بشنجى قسم

مواد شتى

١٠٢ ماده پوليس قانوناً صلاحيتدار اولان  
محاکم ودواژندن تحريراً تبليغ واعطا اولنه جق  
مقررات واوامرى اصول وقواعد موضوعه سى  
دائره سنده تنفيذ واجرا ايله جكلدر .

١٠٣ ماده ابنه انشاآتنده وباغ وباغچه  
اعمالاتنده وچفتلكلرده استخدام قلنان دولكر  
ورنجبر وچفتنجى مثلو عملدن ماعدا نظامى موجبنه  
در سعادتده شهراماتى ايله ضبطيه نظارتنه وطشمره لرده  
محلى حكومتلرينه مراجعتله مأذونيت استحصال  
ايدل كسزين هر نه ايش ايچون اولور ايسه اولسون  
عمله ناميله ونام ديكرله آدم تحريرى منع ايديله جكلدر  
مأذونيت استحصالى ايچون مراجعت ايدنلرك احوالى  
واستخداملرينه لزوم كوستردكلى اشخاصك عددى  
ايله تابعيت وهويتلرى حقدنه تحقيقات لازمه بالا اجرا  
اولوجهله آدم تحريرى واستخدمانه لزوم اولدينى  
اكلاشيلور ومحدور دن سالم كوريلور ايسه بلدى  
وضابطه نك نظارتى آلتنده اوله رق رخصت ويريلور .  
١٠٤ ماده امور خيريه ايچون اصولنه توفيقاً  
مساعده مخصوصه استحصال اولنمديقه بيلت طبعى ايله  
اعانه جلب وجمعى منع ايديله جكلدر .

١٠٥ ماده رخصت رسميه استحصال اولنمديقه  
مكتب كشادينه ميدان ويريله جك ورخصتسز  
آچلمش مكتب بولنور ايسه معامله مقتضيه اجرا  
ايدلك اوزره در حال مرجعه معلومات ويريله جكلدر .

١٠٦ ماده نظامنامه مخصوصى موجبنه  
منوع اولان اسراى زنجيه بيع وشرا وادخالى وامرار  
واخراجى پوليسجه دقت متمديه آلتنده بولنديريله جق  
واحوال مسروده متجاسرلى طوتيلوب متعلق  
اولدقلى محاکمه تسليم اولنه جقلى كى اسراى  
زنجيه ده يدلرينه عتقنامه ويرلك اوزره محاکمه توديع  
اولنه جكلردر .

١٠٧ ماده در سعادتده استانبول وبك اوغلى



واسکدار پولیس دائرہ لندن ہربری کندو دائرہ سی داخلندہ دارالمعجزہ نظامنامہ سنک اون دردنجی واون یدنجی و تسالک منعی حقتدہ کی نظامنامہ سنک سکرنجی و طوقوزنجی مادہ لرنده معین اصولہ توفیقاً تسالک متعبلہ مکفدرلر .

۱۰۸ مادہ ایشہ کوجہ مقتدر اولدینی حالده تسأل ایدنلر برایش ایلہ اشتغال ایتک اوزرہ تأمیناتہ ربط ایدیلہ جک ویتہ برایش طوتمقدن امتناع ایتدکری کوریلور ایلہ حقتدرندہ سرسری معاملہ سی ایفا اولتق اوزرہ محکمہ یہ تودیع اولتہ حقددر .

( مابعدی وار )

## محاکمہ قضاوت

حدیدہ سنجانی تجارت محکمہ سی رئیس سابق عثمان سعدی افندیک اوراق انفصالیہ ومدافعہ نامہ سی انجمن انتخاب مأمورین عدلیہ جہ لدی التدقیق جواز استخدامتہ قرار ویرلشددر .

## محکمہ تمیز حقوق دائرہ سندن تنظیم واعطا اولتان اعلامدر :

درسعادتدہ صاریکیزدہ ذلالی چشمہ سندنہ اون طقوز نومرولی خانہ دہ ساکن اغنام تجارتدن شیخ زاده احمد غالب افندی ونفس اضرروم اہالیسندن خلیل ومحمود وحسین اغلارایلہ اضرروم ولایتہ تابع کوشک قریہ سی اہالیسندن محرم اغا وتافقہ قریلی حاجی قهرمان بک زاده شاہین بک پینارندہ متکون دعوا یہ دائر اضرروم ولایتی مرکز تجارت محکمہ سندن ۲۸ شباط سنہ ۳۳۱ تاریخی وسکسان طقوز عددی ایلہ ویریلان اعلام یالکیز مزبور احمد غالب افندی طرفدن تمیز ایدلکک باش مدعی عمومیک مأموریت بہیہ سنک مطالعہ نامہ سی آلتدقندن صکرہ اعلام مذکور طرفینک اعتراض وجواب لایحہ لریلہ برابر بالمطالعہ تدقیقات تمیزہ اجراسنہ ابتدار قلندری .

اعلام مذکورک خلاصہ مندرجاتی مومی الہما شاہین بک ومجرم آتاکک مومی الیہ احمد غالب افندی ایلہ خلیل وبرادرلری محمود وحسین اغلار ذمتلرنده درت یوز قرق درت رأس اغنام آمانندن آلہ جنی اولان اوچوز اوتوزیدی عدد عثمانی لیراسنک تحصیل حقتدہ اضرروم تجارت محکمہ سنہ بالراجعه اقامہ ایلدکری دعوانک اجرای محاکمہ سی چون تعیین قتلان کوندہ مدعی علیہم دعوتہ اجابت ایتدکلرندن وکیل مسخر حضوریلہ مدعی علیہم احمد غالب افندی طرفدن ویریلان استدعا دہ صلاحیت محکمہ یہ دائر درمیان اولتان اعتراضک ردینہ قرار ویرلدکن صکرہ

اساس مادہ حقتدہ غیاباً جریان ایدن محاکمہ وتدقیقات نتیجہ سندنہ مدعیلرک اغنام آمانندن یکدیگرینک شریکی بولتان مرقومون احمد غالب وخیل ومحمود وحسین اغلار ذمتلرنده اوچوز اوتوزیدی لیرا آلہ جقلری اولدینی میرز سند ومکتوب وبرقطہ تلغرافنامہ مندرجاتندن اکلاشلمش اولسنہ بناء سند مذکورک ختام وعدہ سی تاریخندن اعتباراً مبلغ مذکورک مع فاقض مدعی علیہم مرقوموندن تحصیلنہ حکمدن واشبو حکم علیندہ مستدعیک لایحہ سندنہ محرر اعتراضاتک باشلو جہ سی ہر دعوی مدعی علیہم اقامتکای محکمہ سندنہ رؤیت ایدیلہ جکی احکام قانونیہ اقتضاسندن ایکن دعوی واقعہ نیک محکمہ مذکورہ جہ بالرویہ حکم آلتہ آلتہ سی خارج ازصلاحیت ومغایر قانون اولدیفندن بختلہ اعلامک قضی استدعاسندن ولایحہ جوابیہ مؤداسی دہ غیر وارد اولان اعتراض مذکورک ردیلہ موافق اصول وقانون اولان اعلام مذکورک تصدیقی طلبندن و آنف الیابن مطالعہ نامہ مؤداسی دہ صلاحیت حقتدہ درمیان قتلان اعتراضک عندالحاکمہ اسباب موجبہ سردیلہ رد ایدلکی جھتلہ بوجہ حقتدہ کی اعتراضک غیر وارد اولدینی کبی قضائی تدقیقاتہ متدائر اعتراضات سائرہ دخی مندرجات اعلامہ نظرآ بجا کوریلہ مدیکی بیاندن عبارتدر .

ایجابی لدی المذاکرہ اعلام مذکورک مآلندن منظم اولدینی اوزرہ ہر دعوی مدعی علیہم اقامتکای محکمہ سندنہ رؤیت ایدیلہ جکی احکام قانونیہ اقتضاسندن بولندینی وبدایہ مدعی علیہ اولان مومی الیہ احمد غالب افندی درسعادتدہ اقامت ایتدکک اولدینی حالده اضرروم تجارت محکمہ سنجہ رؤیت دعوی واعطای حکم اولنسی خارج ازصلاحیت ومغایر قانون اولدیفندن اصول محاکمہ حقوقيہ قانونک ایک یوز اوتوزایکینجی مادہ سی موجبہ اعلام مذکورک قضیہ قانون مذکورک ایک یوز قرق اوچنجی مادہ سی حکمہ توفیقاً کیفیتک عائد اولدینی درسعادت تجارت محکمہ سنہ حوالہ سنہ واول و آخر مستدعی تمیز احمد غالب افندی طرفدن ایفا قتلان بش یوز اون بش بحق غروشلہ تمیز علیہا طرفدن جواب لایحہ سی قیدیہ سی اولتق اوزرہ ویریلان بش غروشلہ جمعاً بش یوز یکری بحق غروش مصارف تمیزینک ایلورده حقسز حقیقہ جق طرفہ عائد اولسنہ ۲۸ یوز سنہ ۳۳۳ تاریخندہ قرار ویرلدی .

داریحجلی طودوری قتل ایتدیکری ادا اولنسندن دولانی جنایتلہ اہام اولتان کاظمک اون بش سنہ مدتلہ کورک قولنسنہ دائر درسعادت جنایت محکمہ سندن ویریلان ۷ نومرولی اعلام

سرایلی قریلی عرب محمد افندی یی حقتہ تفنک قورشونیلہ قتل ایتدیکری ادا اولنسنندن دولانی جنایتلہ اہام اولتان قیوق حسن نام دیگر قدرینک اون بش سنہ مدتلہ کورک قولنسنہ ومرقوم ایلہ برلکدہ عثمان اوغلی خیری یی جرح ایتلرندن ناشی جارح عادی اولان محمد مالکک مختلف مدتلہ حبس ایدلرینہ دائر اذمید سنجانی بدایت محکمہ سی جزا دائرہ سندن ویریلان ۱۶۹ نومرولی اعلام

قاپرلی قریلی یمانداری اوغلی میخالی قتل ایتدکری ادا اولنسنندن دولانی جنایتلہ اہام اولتان واسیلک اون بش میخالک اوچ سنہ مدتلہ کورک قولنرینہ ومیخال زوجہ سی آسپاسیا بنت یورکی وبرادری پورکینک دخی برائترینہ دائر اذمید سنجانی بدایت محکمہ سی جزا دائرہ سندن ویریلان ۱۳۵ نومرولی اعلام

بجشت قریلی طاهر زینلی قتل ایتدیکری ادا اولنسنندن دولانی جنایتلہ اہام اولتان یونسک اون بش سنہ مدتلہ کورک قولنسنہ دائر ارکری سنجانی بدایت محکمہ سی جزا دائرہ سندن ایکینجی دفعہ اولہرق ویریلان ۲۷۹ نومرولی اعلام

قسطنطین قرہ اوستہ یی قتل وقیزی صلتانو ایلہ اوغلی قوطی یی جرح ایتدیکری ادا اولنسنندن دولانی جنایتلہ اہام اولتان نیکولہ نیک اون بش سنہ مدتلہ کورک قولنسنہ دائر سرفیچہ سنجانی بدایت محکمہ سی جزا دائرہ سندن ویریلان ۱۸۵ نومرولی اعلام

عثمان بن کاظمی قتل قصدیہ جرح ایتدیکری ادا اولنسنندن دولانی جنایتلہ اہام اولتان مانوشک اوچ سنہ مدتلہ کورک قولنسنہ دائر کورینجہ سنجانی بدایت محکمہ سی جزا دائرہ سندن ویریلان ۱۵۹ نومرولی اعلام محکمہ تمیز جزا دائرہ سنجہ تصدیق قلنشددر .

## درسعادت جنایت محکمہ سندن تنظیم واعطا قتلان اعلامدر :

بیک اوچوز یکری اوچ سنہ سی جزیراننک ایکینجی جمعہ ایلرکی کیجہ سی ساعت اوچ رادہ لرنده شہرامینی جوازندنہ صولی قلدہ کائن خانہ سندنہ قطی طافہ سندن ادھی جرح وقتل ایدلکی اداسییلہ مظنون علیہ اولان محل مذکورہ یوز انمش یدی نومرولی خانہ اقامتلہ اسکملہ جیلک وطاوغیاق ایتدیکری سوبیلان قرق یاشندنہ طافہ مرقومہ دن آستانہ لی حق بن علینک جنایتلہ اہامہ دائر ہیئت اہامیہ دن لاحق اولان مضبطہ واستیناف مدعی

عمومیلکنک ۲۲ اغستوس سنہ ۳۳۳ تاریخ و ۳۵۸ نومرولی اہامنامہ سی اوراق متفرعہ سیلہ برلکدہ محکمہ جنایتہ توسیع قلمغلہ بالمطالعہ تفصیلاتی اولابادہ طوتیلان ضبطنامہ دن مسان اولہ جنی اوزرہ اصول محاکات جزائیہ قانونک باب ثانیسنک فصل رابعندہ محرر اولان معاملات ابتدائیہ بعد الایفا متہم حقیقک اجرای محاکمہ سی ایچون ۳۳۳ سنہ سی ایلولنک بشنجی چہارشنہ کونی تعیین قلندی .

یوم مذکورہ متہم مرقوم علی الاصول توفیقخانہ دن کتوردیلہ رک ووکیل رسائی بکک عدم ورودینہ مبنی متہمک قبول وموافقیلہ وکیل تعیین قتلان واوراق دعوائی محکمہ قلمندہ بالمطالعہ مدافعہ یہ مہیا ایدوکنی سوبیلان محکمہ نزدندہ مستخدم دعوی وکیللرندن بوردانکی یوسفیدی افندی واستیناف مدعی عمومی معاونلرندن عزتو بہجت بک ومدعیہ شخصیہ کلی قادین موقع مخصوصلرنده حاضر اولدقری حالده محاکمہ صالونہ چقیلہرق محاکمہ علیہ ووجاہیہ اجراسنہ مباشرت ومتہم حقیقک ہوتی عند التدقیق استجواب ضبطنامہ سندنہ محرر اولدینی وجہلہ تعیین ایتدکن ومتہم مرقوم ایلہ وکیل مومی الیہ اخطارات قانونیہ ایفا قلندقندن صوکرہ ہیئت اہامیہ مضبطہ سی واہامنامہ ضبط کابی سلیمان افندی طرفندن قرائت اولندی .

مذکور مضبطہ مدظنون علیہ حقیقک ادھی بالمنازعہ جرح وقتل ایلش اولنسنندن طولانی اہامنامہ اوراق تحقیقہ دہ محرر دلائل وامارات کافی کورلش وحرکتی قانون جزائک یوز یتیش دردنجی مادہ سنک فقرہ اولاسی حکمنی مستلزم افعال جنایتہ دن بولنش اولدیفندن بالبحث جنایتلہ اہامنامہ قرار ویرلدیکی محرر واہامنامہ دہ دخی مرقوم حقیقک مضبطہ مذکورہ مندرجاتی وجہلہ اہام ایدلکی مسطر در . اہامنامہ نیک خلاصہ سی جانب ریاستدن متہم مرقومہ تفہیم وانا ومعاون مومی الیہ طرفندن دخی تشریح دعوی اولنسی معقب متہم حق سوبلندبرلکدہ برجہ کونی کریمہ سی خستہ خانہ یہ کوتوروب اقشام اوزری عودتندہ قماش اولان برونی منسبدل ایلہ قورولہرق ساعت ایک یحق رادہ لرنده یاندینی ومقتول ادم سرخوش اولدینی حالده کیجہ یاریسی کلوب وقیوی یرندن قالدیرہرق اوطلہ یی کوروب ائندہ بولسان یازمہ ایلہ ایک دفعہ بلنہ اوردقندن صوکرہ بوغازینہ صارلدینی وواقع اولان فریادینہ قومشورلی یتیشہ رک مقتول مرقومی طیشاری چیقاردقندن یازم یازم ساعت صوکرہ آدم اورلدی دیدکلری ومقتول ادمک ایک بیوک شیشہ راقی ایچدیکری وکندوسندنہ یعنی مقتولہ خستہ لک آزاری بولندینی

ومرقوم برادر زادہ سی اولدینی والحاصل مرقومی کندوسی جرح وقتل ایتدیکری درمیان ایلدی . کیفیت مدعیہ شخصیہ کلی قادیندن صورلدقندہ اوغلی ادھی متہمک چاغہرق راقی ایچیرہ رک بجاقلہ جرح وقتل ایتدیکری ومتہمہ کی یازہ انشای وقعہ دہ حصولہ کلیوب حبسخانہ دہ ایتدیکری منازعہ دن حادث اولدینی تذکار ایلدی .

علی ہذا شہرامینی قومیسرلکنک ۱ جزیران سنہ ۳۳۳ تاریخلی تقریری ایلہ مقبول ادم ومتہم حقیقک معاینہ لری حاوی طیب راپورلری اوقوتدرلری . مذکور تقریردہ اشوب کیجہ ساعت درت بحق رادہ لرنده صولی قلدہ جنایت وقوعبولدیلنک استخبار قلمنی اوزرینہ محل وقعہ یہ کیدلکدہ چالغیچی ادمکک صول بوکرندن مجروحاً خانہ سندنہ یاندینی کورلکک افادہ سنہ مراجعت اولندقدہ محل مذکورہ ساکن اسکملہ جی حق ابن علینک کندوسی جرح ایدلکی سوبلیدکندن جارح مرقوم دردست اولتہرق استجواب اولندقدہ فعل جرحی منکر بولنن ایلہ دہ معلوم الاسامی کسانک علی الدرجات واقع اولان افاداتندن مرقوم حقیقک ادھی کیجہ بجاق ایلہ جرح ایدلکی اکلاشلمش وحقیقک اوزرندہ ظهور ایدن بجاق وایچ طونی ایلہ مندیلنسدہ کی قان لکہ سی وصول الیک اورتہ یازمقندہ کی جرحہ سی فعل مذکورہ مجاسرتی حقتدہ امارات قویہ دن بولنش اولدینی اشعار وادھمک معاینہ سنی حاوی ۲ جزیران سنہ ۳۳۳ تاریخلی راپورہ دھم غربای مسلمین خستہ خانہ سندنہ معاینہ اولندقدہ صول ناحیہ مراقبہ سی اوزرندن بدأ ایلہ بطنہ طوغری ختام بولش آلت قاطعہ ایلہ حاصل تخمیناً یدی ساتیمترو طولندہ نافذ ومستعرض برعدہ جرحہ کورلدیکی ومرقومک خستہ خانہ یہ جین ورودندہ قطع ایدلش اولان ثربک دخی جرحہ محلندن خارجہ چقان قسمی کسپلہ رک تدابیسی اجرا قلنمش اولدینک و ۳ جزیران سنہ ۳۳۳ تاریخلی دیگر راپورہ تخمیناً اوتوزیش یاشلرنده وسط القامہ والبنیہ اولان مرقوم ادم اولکی راپورہ مذکور جرحہ سی نتیجہ سی التہاب پریطون حاددن وفات ایلدیکنک اکلاشلدینی ومتہمک معاینہ سنی حاوی ۵ جزیران سنہ ۳۳۳ تاریخلی ایی راپورہ چند کون مقدم آلت راضہ ایلہ حاصل صاغ کئی آلتدہ ووحشیسنده التی یدی ساتیمترو قطرندہ مور وصاریمتراق لوندہ برہ ومحل مذکورہ طقوزنجی ضلع ایتندہ کسر علائمی وصول الی وسطی پارمتنک ایکینجی مفصل سلامیسی وجہ راجسندنہ چند کون مقدم برآلت قاطعہ اوجیلہ حصولہ لکسی مأمول قوی اولان برساتیمترو طولندہ سطحی جرحہ کورلدیکی



و ٥ ايلول سنه ٣٣٣ تاريخي ديكر بر راپورده دخي مرقوم حقى تكرر معايه اولدوقده مذكور بره سي زائل اولدينى كبي كسرى دخي اندمال ايتديكى اكلاشلمش وبومثللو حالات لايقيه تداوى اولندينى حالده كندوسنى قرق كون ايشندن معطل ايدرك مدت مذكوره ظرفده درتيوزغروش اجرت تداوى ايله التيام ايدر مواددن بولنش ايدوكى ازبار قلمشدر . مدعيه شخصيه نك افاداتيله قرائت اولنان تقرير وراپورلر مندرجاته قارشو نهديه چكى متهم مرقومدن سؤال اولدوقده مقتول ادهم غرتلاغنى صيقديني جهته برونندن قان كلديكى و خانه سنده بولش اولدقلى بچاق اسكله اعمالى ايجون استعمال ايلديكى بچاق اولدينى افاده ايتدى .

( مابعدى كله جك نسخه )

ارسلا نك عارفى ضرب ايتديكى ثابت اوله مديغندن برائته

حقى ومصطفى وحاجى مصطفى نك حسنه اطاله لسانله خانه سنه دخول ايتدكلى ثابت اوله مديغندن برائتيرنه

حسن تحسين افدينك واسيلي ضرب ايتديكى ثابت اوله مديغندن برائته

آپوستولك اسپروى ضرب ايتديكى ثابت اوله مديغندن برائته

قورنيه نك بكجي رضايى ضرب ايتديكى ثابت اوله مديغندن برائته

اناستاشك يوانى ضرب ايتديكى ثابت اوله مديغندن برائته

علينك ويرثيني ضرب ايتديكى ثابت اولدوغندن برهفته مدتله حبسنه

صارينانك پوليس نيقولى افدى يه حقارت ايلديكى ثابت اولدوغندن بر بچق آتون جزاى نقدى آلمسنه

قارلونك ژوليوسى جرح ايتديكى ثابت اولدوغندن برهفته مدتله حبسنه

ابراهيم ايله حسينك مضارب ايتدكلى ثابت اولدوغندن برهفته مدتله حبسارينه

نيقولينك اوچ مجديه سرقت ايتديكى ثابت اولوب فقط قرقجي ماده قانونيه موجبنه بالغ مراهق اولسى حسييله اوچ مالهك ثلثي اولان برماه مدتله حبسنه

تركسك قولينك اينجمنسنه سبيت ويرديكى ثابت اولان ميكنك اون بش كون مدتله حبسنه ومصارف جراحيه اولان ايكي يوز اللى غروشك بالتحصيل تركسه اعطاسنه

ديمترينك سرسريلىكى ثابت اولدوغندن برماه مدتله حبسنه

قوجونك لوتاريه كشيده ايتديكى ثابت اولدوغندن ايكي بشلك جزاى نقدى آلمسنه

على اكبرك عصمت خانمى ضرب وجرح ايتديكى ثابت اولدوغندن برهفته مدتله حبسنه

لامبونك لوتاريه اوينا ندينى ثابت اولدوغندن بش بشلك جزاى نقدى آلمسنه

علينك بكري ضرب ايتديكى ثابت اولدوغندن برليرا آلهرق مضروبه اعطاسنه

محمدك النى ضرب ايتديكى ثابت اولدوغندن بر آتون آلنوب مضروبه ويرلسنه

فوطينك قوجويى ضرب ايتديكى ثابت اولدوغندن بر آتون آلهرق مضروبه ويرلسنه

ديمتري وقوقوينونك بناني ضرب ايتدكلى ثابت اولدوغندن برر آتون آلنوب مضروبه ويرلسنه

بك اوغلى بدايت محكمه سي جزا دائره سنجه قرار ويرلشدر .

## مُجَامَلَاتُ نَيْبَاهِيَّة

كرك سنجانى بدايت محكمه سي اعضاسندن عوده افدينك مواد معينه ده امور مأموره سنى سوء استعمال ايلديكى سوريه ولايتى استيناف محكمه سي مدعى عموميلكندن وارد اولان اوراق تحقيقه مؤداسندن اكلاشلمسنه مبنى مومى اليك محاكمه آلتنه آلمسنه عدليه نظارت جليله سنجه مأذونيت ويريلهرك مذكور مدعى عموميلكه تبليغات لازمه اجرا ايدلشدر .

نامروان قضاسى بدايت محكمه سي مدعى عمومى معاونى وكيلى پوليس قوميسرى احمد افدينك وظيفه عدليه سنى سوء استعمال ايلديكى ارضروم ولايتى استيناف محكمه سي مدعى عموميلكندن وارد اولان اوراق تحقيقه محتوياتندن اكلاشلمسنه مبنى مومى اليك محاكمه آلتنه آلمسنه عدليه نظارت جليله سندن مأذونيت ويريلهرك مذكور مدعى عموميلكه تبليغات لازمه ايفا قلمشدر .

## اِخْلَافَاتُ

تجارت بحريه محكمه سنده :

غلطه ده زولفارى زقاغنده دالمديقو وشركاسنك باقهنسى اقامتگاه اتخايدن [بخور س. قاسوطو وقوميا . نيه سى] نام شركت تجاريه نك ١٧ كانون اول سنه ٣٣٣

تاريخندن اعتباراً اعلان افلاسنه ومصالح افلاسيه نك رؤيت وتسويه سي ضمنتده اعضاي محكمه دن سعادتلو ابراهيم بكك ژورقوميسر ودعوى وكيللرندن سليم حسنى وسيمون لوى افديلرله عثمان طلعت بكك موقت سنديك تعيينلرينه ومغازه سيله اشياى زائده بيتيه سنك تمهيرينه واوراق ودفاترينك جلبنه وكفالت مصدقه ارئه ايدمديكى تقديرده حبس وتوقيفه وبوبادى كى قرارك موقتاً اجراسنه تجارت بحريه محكمه سنجه قرار ويرلش اولدوغندن قانوننامه تجارتك ١٧٠ نجى ماده سي موجبنه دائمى سنديكلى انتخاب اولمقى اوزره اشبو ٣٣٣ سنه سي كانون ثاينسك يدينجى بازارايرتسى كوني ساعت يدي راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه ككلرى اعلان اولنور .

محمود پاشاده محمد پاشا خاننده اوندرت نومروده مقيم يوزغادلى اينجه آغويان برادرلرك ١٧ كانون اول سنه ٣٣٣ تاريخندن اعتباراً اعلان افلاسنه ومصالح افلاسيه نك رؤيت وتسويه سي ضمنتده اعضاي محكمه دن عزتلو ايوب صبرى بكك ژورقوميسر ودعوى وكيللرندن طروس يازيجيان وديران ارغانيان افديلرك موقت سنديك تعيينلرينه ومغازه سيله اشياى زائده بيتيه سنك تمهيرينه واوراق ودفاترينك جلبنه وكفالت مصدقه ارئه ايدمديكى تقديرده حبس وتوقيفه وبوبادى كى قرارك موقتاً اجراسنه تجارت بحريه محكمه سنجه قرار ويرلش اولدوغندن قانوننامه تجارتك ١٧٠ نجى ماده سي موجبنه دائمى سنديكلى انتخاب اولمقى اوزره اشبو ٣٣٣ سنه سي كانون ثاينسك يدينجى بازارايرتسى كوني ساعت يدي راده لرنده اصحاب مطلوبك محكمه مذكوره نك مصالح افلاسيه رؤيته مخصوص اوطه سنه ككلرى اعلان اولنور .

استانبولده باباجعفر جوارنده مغازده ساكن ايكن تجارت بحريه محكمه سندن افلاسنه حكم اولنش اولان بوياجى آريستيدى اكتيدي ذمتده آله جغنى اثبات ويا موقتاً قبول وقيد ايتديرمش اولان آله جقولرك قانوننامه تجارتك ٢١١ نجى وآنى ولى ايدن ماده سي موجبنه مفلس طرفندن تكليف اولنه جق قونقورداتونك مذاكره سي ايجون ٣٣٣ سنه سي كانون اولنك يكرمى التجي چهارشنبه كوني محكمه مذكوره نك مصالح افلاسيه رؤيته مخصوص اوطه سنه ككلرى اعلان اولنور .